

Guangjisi Minzcu Bau

ganhhau: CN45-0036 B.2015 Nd.1 Ng.14 liggaueq gyapngux nienz ndwenit ngeihseiq

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3157期

Liujcouh Si Minzveij Vangjcan Aen Lanzmuz "Caeuq Gou Hag Vah Saujsu Minzcuz" Cingqsik Haidoeng Ndaej Yungh

柳州市民委网站“跟我学讲少数民族语言”栏目正式上线运行

Daj bineix yenzdan hainduj, Liujcouh Si Minzcuz Swvu Veij- yenzvei Vangjcan aen lanzmuz "caeuq gou hag gangj vah saujsu minzcuz" cingqsik haidoeng nem ndaej yungh. Aen lanzmuz neix dwg aen lanzmuz singyaem vahgangj, ndawde coq 500 aen sawloih bingzciengz yungh nem 100 coenz

vah, faenbied doiqwnq Vahgun (Bundunghva)、Vahcuengh Liuj- gyangh、Vah Duncuz Sanhgyangh、Vah Myauzcuz Yungzsuij, hawj vunz lai youq gwnz vangj hag nem yungh vah saujsu minzcuz. Liujcouh Si Minzveij、Minzyijveij lij dawz gij singyaem gvendaengz "caeuq gou hag vah saujsu minzcuz" gyagoeng baenz

deb yaemsiengq hawj vunz hagsib, hawj giz gingidenj minzcuz lijyouz、mbanj minzcuz、yienhciengz guh hozdung cietgingq minzcuz yungh, doidoengh aen yienh neix gya' gvangq giz yungh vah saw minzcuz, hawj dieg minzcuz doenghbox ganbu ginzcong doxhag vah saw, coicaenh minzcuz doxgiet. (Lij Yinciz/李云驰)



Gofoux Bouxcuengh Sawj Aen Hozdung "Angq Youz Guengjsae" Gya Hoengh

壮族歌舞助推“乐游广西”活动

1 nyied 10 hauh, aen yizsi Guengjsae haidaeuz guh hozdung "Cungguek gyaundeiz—2015 bi lijyouz roen seicouz" nem doigvangq seizcin "angq youz Guengjsae" youq Nanzningz Si Minzgohuz Gvangjcanz gawjhengz, feihvuzciz vwnzva yizcanj baijyienj lwnggangj gij roen lijyouz maenhndei, baij gai doenghyienh daengj laebdaeb ndei yawj, baijok le gij gingj gyaundeiz gih raeuz, sawj vunz ndawsingz Namzningz gya gyaemaij "okbae lijyouz" nem "angq bae lijyouz". Ndaw doz dwg gyoengq yenjyenz youq ndaw hozdung de yienj gofoux Bouxcuengh. (Yi Sienghczenz/喻湘泉 泉)

Vujsenh Yen Guh Sawcuengh Gyaulyenz Hozdung Caemhcaiq Anbaiz Hong Sonhag Sawcuengh

武宣县开展壮文教研活动并布置今年壮文教学工作

1 nyied 7 hauh banhaet, Vujsenh Yen Gyaulyenz youq Dungzlingj Cin Sinhlungz Siujyoz guh Sawcuengh gyaulyenz yenzgiu hozdung. Youq guh hozdung ndawde, baux lauxsae Vangz Gyaulyenz hwnj dangz goq yawjhag gig ndei yawj ndeu, hawj gyoengq lauxsae ngonz-

yawj de hag ndaej haujai gingniemh. Yawj hwnjdangz liux, gyoengq lauxsae miz maz gangj maz, gangj gij yawjap gvendaengz dangz goq neix, caemhcaiq daezok gij genyi hableix gvendaengz baenzlawz guh ndei Sawcuengh sonhag. Liuxle, Vujsenh Yen Gyaulyenz Siz Caizyij、Dungz-

lingj Cin Cunghsinh Yozyau baux Sawcuengh gyaulyenz Luz Mingz- diz anbaiz hong sonhag Sawcuengh bineix, neix hawj aen yienh neix gij hong sonhag nem yenzgiu Sawcuengh de lai yamq hwnj mbaek moq ndeu bae.

(Cinz Vei/陈慧)

SIUSIK DINJ

简讯

● 1 nyied 6 hauh, Dwzbaui Yenveij Senhconzbu buchangj Yangz Goh daiq gyoengq minz- cuzgiz lingjdaui daengz saujsu minzcuz conzdungj dijiyuz yindung yinlen gihdi Cuzyungz Cin Nenswz Cunh Mbanjya soengq lwgyangq daengj buek doenghyienh dijiyuz saujsu minzcuz coj miz de hawj vunz dangdieg, gij neix dij ngaenz 4000 lai maenz, vunz lai gig maij.

(Nungz Yungjfang)

● 1 nyied 7 hauh banhaet, Ginhsiu Yauzcuz Swciyen Loz- yangh Yangh Cunghsinh Siujyoz 16 baux hagseng ranz gig gungzhoj de moix baux soundaej faenh "hableix hung bi moq", ndawde miz ndangdaenj, lij miz daehsaw moq nem vanzgi dem, gyoengq nyz de bauxboux naj riu sim angq. Gij doenghyienh neix youz Laizbinh Si Aisinh Ciyencez Hezvei、Ginhsiu Yauzcuz Swciyen Gvanhgunghveij soengq hawj.

(Ginhsiu Cau Binhningz)

● Geij ngoenz gonq, Bingzgoj Yen miz 1639 baux hagseng Yauzcuz ndaej cienzngeanz bang- bouj gwndaenj 163.9 fanh maenz, gyoengqde dwg hagseng youq ndaw yozyau yivu gyaulyenz, ndaej gij ngaenz neix le gyoengqde gvaq ndaej lai sim'onj.

(Lij Gyanghlanz)

● 1 nyied 6 hauh, Lungzlinz Gak Cuz Swciyen Myauzcuz Yozyau Yenzgiuvei cingqsik laeb- baenz. Laebbaenz aen yenzgiuvei neix le, doiq henhoh、vatgud、hungzyangz nem swnjcienz vwnz- va Myauzcuz, damqra baenzlawz fazcanj Myauzcuz sevei ginghci, doidoengh daengx yienh Myauzcuz gak hangh saehnieb miz cozyung gig hung.

(Dauz Dwzgvangh)

● Bi' gvaq, Cauhbingz Yen Senhveiz Yauzcuz Yangh aeu cungj fuengsik "gunghsw + hozcozse + gihdi + nungzhoh" neix daeuj laebguh raetndaem sifan gihdi 300 moux, dazyinx nungz- minz youq seizdoengz dajndaem raetndaem, hawj nungzminz laisou, lij hawj dangdieg 200 baux vunz miz hong guh.

(Liuz Feih)